



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

---

Broj: \_\_\_\_\_

Datum: \_\_\_\_\_

**- PRIJEDLOG -**

Na osnovu člana 40. Zakona o dugu, zaduživanju i garancijama u Federaciji Bosne i Hercegovine ("Službene novine Federacije Bosne i Hercegovine", broj: 86/07, 24/09 i 45/10) 14. Statuta Općine Tešanj ("Službeni glasnik općine Tešanj", broj 11/07) Općinsko vijeće Tešanj, na prijedlog Općinskog načelnika, na svojoj \_\_\_\_ redovnoj sjednici, održanoj dana \_\_\_\_\_ 2016. godine, donosi

**O D L U K U**  
**poništenju Odluke o kreditnom zaduženju**  
**Općine Tešanj za realizaciju kapitalnih projekata**

**Član 1.**

Poništava se Odluka o kreditnom zaduženju Općine Tešanj za realizaciju kapitalnih ulaganja broj: 01-02-1-1213/15 od 16.06.2015. godine.

**Član 2.**

Realizacija projekta uređenja starog gradskog jezgra (Titova ulica i Ulica 1. marta) koji je planiran u Budžetu Općine Tešanj za 2016. godinu pod stavkom "Projekt uređenja Titove ulice i Ulice 1. marta", će se izvršiti iz slobodnih budžetskih sredstava za investiranje akumuliranih realizacijom-uplatom IPA granta i EIB kredita u 2016. godini.

**Član 3.**

Ova Odluka stupa na snagu danom donošenja, i objavit će se u Službenom glasniku Općine Tešanj.

**PREDSJEDAVAJUĆI**  
**OPĆINSKOG VIJEĆA**  
**Senad N. Subašić, dipl.oec.**

## Obrazloženje

### I PRAVNI OSNOV

Pravni osnov za donošenje ove Odluke sadržan je u člana 40. Zakona o dugu, zaduživanju i garancijama u Federaciji Bosne i Hercegovine ("Službene novine Federacije Bosne i Hercegovine", broj: 86/07 i 24/09) i član 14. Statuta općine Tešanj ("Službeni glasnik općine Tešanj", broj 11/07).

### II RAZLOZI ZA DONOŠENJE ODLUKE

Donošenje Odluke o kreditnom zaduženju bilo je direktno vezano za proširenje obuhvata I faze gradnje kanalizacionih kolektora u Tešnju na zonu Titove ulice i Ulica 1. marta, koja je planirana za 2015. godinu. Time su bili stvoreni uslovi za uređenje starog gradskog jezgra, a za što je bilo neophodno obezbijediti dodatna finansijska sredstva. Iz tog razloga se i pristupilo donošenju navedene Odluke o dodatnom kreditnom zaduženju od 510.000 KM.

Kako je dio projekta koji se odnosi na uređenje Titove ulice realizovan kroz projekt WATSAN (kredit i grant sredstva) u protekloj godini umanjena je potreba za dodatnim kreditnim zaduženjem.

S toga je za 2016. godinu planiran nastavak realizacije projekta uz zadržavanje kreditnog zaduženja u nešto manjem obimu.

Mogućnost poništenja navedene Odluke proizašla je razgraničenjem ukupnih kreditnih i grant sredstava za projekt WATSAN iz 2015. godine.

Radi se o tome da je projekt WATSAN (I faza) u protekloj godini okončan u cijelosti, ali je dio plaćanja izvršen iz grant i kreditnih sredstva početkom ove godine (Izveštaj Budžeta Općine za I kvartal). Na taj način je ovaj projekt dijelom opteretio tekući dio budžeta 2015. godine, a s druge strane su oslobođena sredstva za investiranje u tekućoj godini. Kako drugo zaduženje kod komercijalne banke nije realizovano, a oslobođena su sredstva za dalju realizaciju u tekućoj godini predlaže se donošenje ove Odluke o poništenju Odluke o kreditnom zaduženju broj: 01-02-1-1213/15 od 16.06.2015. godine.

Na taj način se izbjegava povlačenje manje povoljnih kreditnih sredstva komercijalne banke u odnosu na korištena grant sredstava i kredit EIB-a pod povoljnijim uslovima, kao u slučaju uređenja Titove ulice.

Ukupna vrijednost uređenja obje ulice iznosit će 698.355,85 KM, a struktura finansiranja uređenja koje se vrši u dvogodišnjem periodu bi bila slijedeća:

1. Titova ulica (postavljanje kocke, vodovoda, kanalizacije i prateći radovi) realizovane vrijednost bez PDV-a u iznosu od 378.355,82 KM, od čega je iz grant sredstava finansirano 298.960,39 KM (79%) i iz kreditnih sredstava 79.395,43 KM (21%).
2. Ulica 1. marta okvirne vrijednosti iz javne nabavke u iznosu od 320.00,00 KM, koja se finansira iz sredstava Budžeta (akumulirana sredstva za investiranje nastala uplatom granta i kredita u januaru 2016. godine).

OBRAĐIVAČ:  
SLUŽBA ZA FINANSIJE, PRIVREDU  
KOMUNALNE I INSPEKCIJSKE POSLOVE  
Hamzaliya Hojkurić, dipl.oec.

PREDLAGAČ:  
OPĆINSKI NAČELNIK

Mr. Sc. Suad Huskić, profesor

Broj: 01-02-1-1213-2/15  
Datum: 15.04.2016. godine